

705

SESIÓN EXTRAORDINARIA DE CARÁCTER URGENTE CELEBRADA POLO  
PLENO DO CONCELLO O DÍA 9/DECEMBRO/1999

SUMARIO

- 1.- PRONUNCIAMENTO DO PLENO SOBRE DA URGENCIA DA CONVOCATORIA.
- 2.- DICTAME DA COMISIÓN INFORMATICA DE ECONOMÍA, FACENDA E DESENVOLVEMENTO LOCAL SOBRE EXPEDIENTE DE MODIFICACIÓN DE CRÉDITO 27/99.

Na Casa do Concello de Redondela, sendo as vinte horas do día nove de decembro de mil novecentos noventa e nove, baixo a Presidencia do Sr. Alcalde, D. XAIME REI BARREIRO, e a asistencia dos/as Sres./as Concelleiros/as: D. MANUEL JAVIER NÚÑEZ SALGADO, D. EMILIO GONZÁLEZ IGLESIAS, DONA. M<sup>a</sup> DEL PILAR MARTÍNEZ GONZÁLEZ, DONA. M<sup>a</sup> DEL CARMEN RODRÍGUEZ CUNHA, D. ALEJANDRO BASTOS FERNÁNDEZ, D. MANUEL IGLESIAS CARRERA, D<sup>a</sup>. M<sup>a</sup>. DEL CARMEN RODRÍGUEZ RIVAS, D. MANUEL RAMÓN CONDE ROMERO, D. EMILIO SÁNCHEZ SANTORIO, D. FRANCISCO ANTONIO LAGO MELÓN, D. JOSE LUIS ALONSO BASTOS, D. MANUEL PUENTES SAAVEDRA, D. LUIS MÍGUEZ BOULLOSA, D. PABLO REBANAL ALFAYA, D. XOSÉ CARLOS PAZOS DOCAMPO, DONA. CECILIA PÉREZ ORGE, D. XOSÉ LUIS GRANDE GRANDE e DONA. ÁNXELES GONZÁLEZ GÓMEZ, asistindo o Sr. Interventor, D. MODESTO SOLLA SANZ, e actuando como Secretario o titular da Corporación D. LUÍS TORRADO VÁZQUEZ, constitúese o Pleno do Concello, en sesión extraordinaria e urxente, conforme á convocatoria e de acordo coa Orde do Día remitida a tódolos Sres./as Concelleiros/as, coa antelación legalmente requerida.

A Presidencia declara aberta a sesión en primeira convocatoria, procedéndose a trata-los puntos da Orde do Día.-

1.-PRONUNCIAMENTO DO PLENO SOBRE DA URGENCIA DA CONVOCATORIA.

Concedida a palabra pola Presidencia polo Concelleiro Sr. Conde Romero se solicita se motive a urxencia da presente sesión plenaria.

Concedida a palabra pola Presidencia polo Concelleiro Sr. González Iglesias, se sinala que o motivo desta sesión plenaria extraordinaria o constitúe a necesidade de que o expediente de modificación de crédito que se trae a esta sesión como único punto da Orde do día se incorpore dentro do ano o vixente orzamento deste Concello.

Non habendo unanimidade de criterios pola Presidencia sométese a votación este asunto.

Efectuada ésta obtívose o seguinte resultado: votan en contra da urxencia da presente sesión extraordinaria os Sres/as Concelleiros/as do PP (7) e votan a favor da citada urxencia os Sres/as Concelleiros/as do PSdeG-PSOE (8) e os Sres/as Concelleiros/as do BNG (4). Na súa consecuencia resultou aprobada a urxencia da presente sesión extraordinaria.

**2.-DICTAME DA COMISIÓN INFORMATICA DE ECONOMÍA, FACENDA E DESENVOLVEMENTO LOCAL SOBRE EXPEDIENTE DE MODIFICACIÓN DE CRÉDITO 27/99..**

Pola Presidencia dase conta do dictame da Comisión Informativa de Economía, Facenda e Desenvolvemento Local, asinado polo Presidente da Comisión en data 9 de decembro de 1999, que dí:

Pola Presidencia dase conta de Proposta da Alcaldía de data 1 de Decembro de 1999, que transcrita dí:

"Visto o estado de execución do orzamento deste Concello correspondente ó ano 1999.

Tendo en conta que o crédito dispoñible na partida 990111A91300 é insuficiente para a contabilización das amortizacións correspondentes ó cuarto trimestre de oito préstamos a longo prazo co Banco de Crédito Local.

Visto o elevado número e contía dos créditos pendentes de ser recoñecidos xudicial ou extraxudicialmente.

Visto o importe dos dereitos recoñecidos e liquidados na partida 99 42000 do estado de ingresos, esta Alcaldía

propónlle ó Concello Pleno a adopción dos seguintes acordos:

Primeiro.- Aproba-la tramitación do expediente de modificación de crédito 27/99, mediante suplementos de crédito por importe de 82.180.336.- pesetas para as seguintes finalidades e contías:

| <u>DESTINO</u>                                                       | <u>PESETAS</u> |
|----------------------------------------------------------------------|----------------|
| Amortizacións de préstamos a longo prazo de bancos, 990111A91300.... | 22.538.704.-   |
| Recoñecementos extraxudiciais de -- créditos, 991211A22620 .....     | 7.000.000.-    |
| Recoñecementos extraxudiciais de -- créditos, 994321A22620 .....     | 15.000.000.-   |
| Recoñecemento extraxudiciais de -- créditos, 994511A22620 .....      | 18.000.000.-   |
| Recoñecementos extraxudiciais de créditos, 995111A22620 .....        | 19.641.632.-   |
| TOTAL .....                                                          | 82.180.336.-   |

Segundo.- O expediente de modificación de crédito 27/99 financiarase integramente mediante maiores ingresos na partida 99 42000 por importe de 82.180.336 pesetas, correspondentes á liquidación definitiva na participación nos tributos do Estado do ano 1998, 13.481.170 pesetas, a parte da entrega a conta da citada participación referida ó mes de novembro de 1999, 25.436.179 pesetas, e o importe íntegro da citada participación correspondente ó mes de Decembro de 1999, 43.262.987 pesetas.

Terceiro.- Para a tramitación do expediente de modificación de crédito 27/99 seguiranse as normas establecidas na base de execución 120 do orzamento xeral deste Concello para o ano 1999."

Visto o informe do Interventor Xeral do Concello de data 1 de Decembro de 1999, Rfª. T 153/99.

**Votación e acordo.-**

Non habendo unanimidade de criterios, pola Presidencia sométese o asunto a votación.

Efectuada esta, acadou o seguinte resultado: Votan en contra da proposta os/as Sres./as Concelleiros/as do PP (2); votan a favor, os/as Sres./as Concelleiros/as do PSdeG-PSOE (4) e os/as Sres./as Concelleiros/as do B.N.G. (2). Na súa consecuencia, a Comisión Informativa de Economía, Facenda e Desenvolvemento Local, por maioría de votos, e resolvendo os reparos formulados polo Sr. Interventor Xeral no seu informe de data 1 de Decembro de 1999, Rf0. T. 153/99, dictaminou favorablemente a proposta da Alcaldía transcrita, propoñendo ó Concello Pleno, a súa aprobación.-

Nembargantes, o Concello Pleno, resolverá.

Pola presidencia ábrese o correspondente turno de debate.

Concedida a palabra pola Presidencia ó Concelleiro Sr. Conde Romero, polo mesmo se sinala que se na Comisión Informativa votou en contra o fixo contra este expediente de modificación de créditos en sí e non contra dos provedores do Concello, e se pregunta si este expediente é debido a que o Sr. Interventor esqueceuse, no seu momento, do contido deste expediente, pedindo que se faga unha relación dos mesmos.

Asímesmo polo Concelleiro Sr. Conde Romero se lle pregunta ó Secretario se é legal ou non esta modificación de crédito.

Concedida a palabra pola Presidencia polo Sr. Secretario se estima que non é unha cuestión de informe legal preceptivo e que corresponde este asunto ó Sr. Interventor Xeral do Concello que asume a fiscalización económica e financeira así como contable do Concello de

Redondela e que xa emitíu o mesmo un informe que consta no expediente.

Concedida a palabra pola Presidencia ó Concelleiro Sr. González Iglesias polo mesmo manifestase que en relación cos provedores o Sr. Conde Romero xa tiña manifestado que podían esperar un mes ou dous máis do que levan esperando e con respecto os fondos de este expediente de modificación de créditos sinala o citado Concelleiro que hai diñeiro recibido no Concello para facer fronte ó mesmo.

Remata a súa intervención o Sr. Concelleiro Sr. González Iglesias decindo que non se esqueceu o Sr. Interventor no seu momento e que se fai o referido expediente para pagar amortizacións de préstamos, así como a provedores deste Concello.

Concedida a palabra pola Presidencia ó Concelleiro Sr. Conde Romero por éste sinalase que haberá un desfase orzamentario e volve a indicar que se paguen ós que se debe diñeiro e sobre todo os que se atopan en peor situación económica, e remata a súa intervención decindo que a verdadeira razón de este expediente de modificación de crédito é o olvido do pago de cotas de amortización de préstamo co Banco de Crédito Local e manifesta o seu desacordo coa urxencia plantexada para a celebración desta sesión, pedindo se relegue este asunto e se incorpore ó próximo orzamento.

Concedida a palabra pola Presidencia polo Sr. González Iglesias se lle pregunta ó Sr. Interventor se se pode formular relación de provedores sen que exista consignación orzamentaria previa.

Concedida a palabra pola Presidencia polo Sr. Interventor respóndase que non a pregunta formulada polo Sr. Concelleiro González Iglesias.

Concedida a palabra pola Presidencia polo Sr. Concelleiro González Iglesias, sinalase que con este expediente non se vai a producir desfase orzamentario algún e diríxindose o Sr. Conde Romero índicalle ó mesmo que non siga polo camiño do desastre que mantivo o anterior goberno do PP e que os levou a moción de censura.

Non habendo unanimidade de criterios pola Presidencia sométese a votación o presente asunto.

Efectuada a mesma obtívose o seguinte resultado: votán en contra do expediente de modificación citada os Sres/as Concelleiros/as do PP (7), votan a favor do aludido expediente resolvendo os reparos do Sr. Interventor no seu informe de data 1 de decembro de 1999, referencia T 153/99, os Sres/as Concelleiros/as do PSdeG-PSOE(8) e os Sres/as Concelleiros/as do BNG (4), na súa consecuencia resultou aprobado o referido expediente de modificación de créditos 27/99 e resoltos os reparos formulados ó mesmo polo Sr. Interventor.

E, non sendo outro o motivo da presente sesión, pola Presidencia dase por rematada a mesma, sendo as vinte horas vinte minutos da data fixada no encabezamento, en proba de todo o que, se estende a presente Acta, que se inscribiu no Libro dende o folio centro trinta do Papel Timbrado da Comunidade Autónoma de Galicia, Serie A, n.º 0362830, ata a volta do folio cento trinta e dous, Serie A n.º 0362832, de todo o que, como Secretrio, DOU FE.-

O ALCALDE

O SECRETARIO

Asdo: Xaime Rei Barreiro

Asdo: Luís Torrado Vázquez